



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Magnum Matrimonij Sacramentum Casibus Practicis
Expositum**

Reutlinger, Ignaz

Augustæ Vindelicorum, 1716

VD18 10508716

Dissertatio promialis, quid sit Matrimonium, quid Sponsalia, & quotuplicia?

urn:nbn:de:hbz:466:1-40059



PARS PRIMA.

De Promissione Matrimonii , sive
Sponsalibus.

DISSERTATIO PROÆMIALIS

*Quid sit Matrimonium , Quid Sponsalia , & quo-
tuplicia ?*

Matrimonium , de quo acturi sumus , est contractus , quo mas , & foemina sibi mutuò in sua corpora ad usum generationis dominium tradunt : Nomen habet à Matre , ut loquitur D. Augustinus L. 19. contra Faustum : *Matrimonium ex hoc appellatum est , quod non ob aliud debeat sœmira nubere , quam ut mater fiat.* Dicitur autem , *Matrimonium potius , quam Patrimonium , quia magis ha-*

betur ratio Matris , quam Patris in procreatione liberorum , ad quam Matrimonium instituitur , propter illius munia in ferendo utero , & in edenda , ac educanda prole , quæ illam faciliùs , ac certius cognoscit ; vocatur proinde Matrimonium , quasi Matris munium , quia matris potissimum officia attenduntur , quemadmodum bona fortunæ dicuntur Patrimonium ob Patris in illis acquirendis , & conservandis præcipuum munus.

*Cepit Matrimonium ex institu-
tione Divina ab ipsis mundi pri-
mordijs ,*

A

mordijs , & postmodum à Christo ad supernaturalem rationem Sacramenti est elevatum , cùm videret illum statum multis miserijs , & difficultatibus plenum , præser-tim in servanda castitate , cùmque id partim in tuenda concordia , partim in vitanda Zelotypia , partim in victu comparando , partim in educandis liberis auxilio gratiæ maximè indigeret.

Hujus Sacraenti materia remota sunt ipsa corpora Conjugum ; proxima vero mutuus consensus , quatenus tradit jus corporum ; Forma idem ipse consensus , ut acceptans jus traditum , seu ipsa acceptatio mutua verbis , vel alijs signis expressa . Ministri sunt ipsi conjuges simul sumpti , nam Sacerdotis benedictio est tantum accidentalis Cæremonia , de quibus omnibus in decursu tractabitur.

Modò de Sponsalibus priùs agendum est , prout etiam Gregorius IX. in quarto Decretalium acturus de Matrimonio Capitulum secundum à Sponsalibus inchoavit , & deinceps per aliquot titulos matteriam istam est prosecutus , quia nempe Sponsalia sunt via quædam , & quasi prævia cause ad Matrimonium : convenit ergo , ut priùs disputemus de Sponsalibus , & tum , quæ ad Matrimonium immediate pertinent , subjungamus.

Igitur Sponsalia nomen suum

sortita sunt à Spondendo ; moris enim erat apud veteres Romanos , ut is , sub cuius cura , & potestate Puella aliqua erat constituta , eandem alteri sponderet uxorem dare , qui capropter Sponsor , hæc verò sponsa dicta est ; is autem , cui desponsatio facta est , quiq[ue] tam puerilam se ducturum repromisit , Sponsor vocabatur . L. Sponsio ff. de V. 8.

Ulteriùs potest nomen Sponsalium triplicem habere significationem ; nam 1. & minus usitatè ipsa dona , sive munera , quæ Sponsæ à Sponsor dantur , vocantur aliquando Sponsalia , quo sensu accipiuntur verba illa , quæ servi Saulis dixerunt ad David i Reg. 18. Non habet Rex Sponsalia necesse , id est , non eget Rex muneribus , quæ Filiae suæ dentur à genero suo . 2. Frequentiùs sumuntur pro Matrimonio de præsenti contracto , & necdum per copulam consummato , námque Sponsalia de præsenti reipsa à Matrimonio rato necdum consummato non differunt ; ita Matth. 1. elicitur : Cùm esset desponsata Maria Mater Iesu Joseph , antequam convenienter &c. cùm tamen paulò post eodem capite Coniux Josephi appelletur Laym. lib. 5. tr. 10. p. 1. de Sponsal. c. 1. n. 1. Mart. Perez Disp. I. de Matrim. Sect. I. n. 3. Sanch. L. 1. de Matr. Disp. I. n. 1. &c. 3. Denique communiter , ac frequentissime , & significatione propria

pria hujus loci accipiuntur Sponsalia pro futuri Matrimonij promissione, unde ad tollendam ambiguitatem quandóque ita vocantur cum addito *Sponsalia de futuro*, & Sponsi in hac tertia significacione, sive de futuro sunt, qui Matrimonium non contraxerunt, sed promiserunt, unde passim appellantur *promissi*, sive in lingua nostra vulgari sive seynd versprochen.

Definiuntur communiter Sponsalia in tertia hac significatione juxta L. 1. ff. de *Sponsal.* & c. Nostrates 30. q. 5. *mutua nuptiarum promissio*, quæ vox *mutua* licet in textu Canonico non inveniatur; tamen ex cit. Leg. colligitur, eam esse addendam, in qua Sponsalia vocantur *futurarum nuptiarum repromissio*, & forte ob hanc causam Sponsalia in numero plurali dicuntur, quia continent duplicem promissionem.

Clarius Sponsalia definit Illsung 2r. 6. disp. 9. q. 1. a. I. quod sint

promissio voluntaria, deliberata, & mutua, signo sensibili expressa, futuri Matrimonij inter personas iure habiles, qua definitione comprehenduntur omnes conditiones, quæ ad Sponsalia, ut valida sint, & obligatoria, requiruntur; nimis debent esse

1. Promissio mutua. 2. Vera, & seria.

3. Voluntaria, ac libera, præsertim ab errore, & metu. 4. Sufficienter expressa per signum aliquod sensibile externum.

5. Inter personas habiles.

Conditions istas ad Sponsalia requisitas ante alia examinabimus; addemus deinde alia quædam huc pertinentia, unde materiam Sponsalium universim partiemur in Sectiones, & Quæstiones. 1. Quidnam requiratur ad valorem Sponsalium, seu quæ Conditions adesse debeant, ad hoc, ut valida sint? 2. Quinam contrahere possint Sponsalia? 3. Quas obligaciones Sponsalia inducant? 4. Quomodo dissolvantur.



A 2

SECTIO